

重刊道藏輯要

仙佛合宗語錄

冲虛真人伍守陽著

真陽子伍守虛校註

吉王朱太和十九問

法名太和號雲水在宗人府玉牒名派常涓睿皇帝重孫

一問曰蒙指我以真藥物猶未明辨所以為藥物之真

嘗聞上古聖真及師仙所言只是口說真藥物猶不知自身

中辨何為真何為不真故不免疑而再問之

伍冲虛答曰真藥物即真精也

精何故言真以修仙道可用者名曰真不可用者不名真

彼後天交媾之精即不真

道藏輯要

仙佛合宗語錄

壹

畢集一
川上

交媾淫精已有重濁形質不能變化復返為無形質之元炁

而化神既不能化炁化神便是不可用者故不真 莊子南

華經云既以為物矣欲復歸其根不亦難乎 陳真人云貪

嗔愛慾不能離安得此身延壽考 抱樸子云有一等專守

交媾之術以規神仙而不作金丹大藥亦愚之甚也

先天元精乃謂之真精

未有天形之先只是元炁如未有人形之先亦是此元炁然

生天生人生仙生佛皆是此炁故云至靜未動曰元炁靜而

時動曰元精元精實即元炁非二也而強名為精乃修仙成

道之根基始是修仙可用之真精

第世人人人能說真精

世人見仙只言真精遂亦藉口亂說知真精以誑人况彼不遇真仙親傳何由知得精之真者

不過執後天交媾之精冒認指爲真精者也

凡斥稱世人以其迷戀世法之人非真苦修志學者仙何肯傳大道假令聞道亦無用處及至誑人皆指媾精爲真精也或有暗與道合偶似一遇其真者有之終不知其所以然之妙理也

顧與故庠友在道隱齋中問曰所以然之理願得再詳之冲虛子答曰靜動生滅之有循環人人之必然者且循環不窮

道藏輯要

仙佛合宗語錄

二 畢集一

焉不一遇由學不得真傳雖遇先天發見而竟失卻亦不知辨真與不真而用皆由不知所以然也何爲所以然蓋人自有淫媾之後已來精耗而因以耗元炁炁曰元是元頭始初之炁無形者耗而少矣必補而足方可長生不死必用無形一樣元炁補之纔方相受若有形之淫精則自炁變落下一層故不相受不相補既身形與精形相隔有形與無形不相受此理之所以也不知者蓋精生有真時要知而不知則精中真炁不足卽補炁亦不得足不能成仙當採取配合亦有真時當知若不知則精炁不能真足者卽補精亦不得足而化炁亦不成仙能知此所以足者以補則身中元炁自能長

旺圓滿可伏胎入定出神入仙故古聖云杳杳冥冥其中
精其精甚真得所以然之真方能成仙而了道此正所謂道
之原也必先知此所以然者而後能求求而能得若世人浮
慕而聞其粗淺套語安能知

彼人有從有念而為精者即交媾精之類也

與發問此有念答曰有念者有淫媾之妄念也因淫念而生
之精即同交媾精因淫事而生之精亦即交媾之敗精精已
敗者烝已耗矣更何以得長生故華嚴經中佛言初禪念住
楞嚴經中佛言汝以淫身求佛妙果輪轉三塗必不能出如
來涅槃何路修証陳虛白云大道教人先止念念頭不住亦
道藏輯要

仙佛合宗語錄

三

畢集一

徒然是仙佛皆同除此一念也

有從無念而為精者即先天元精也

與發問無念答曰無念者無淫媾之妄念虛極靜篤乃未有
天之先未有念之先在杳冥中之精為先天元精世人每有
無念而遇未得師度仙機竟棄而不用或知元精之虛名而
不知當用之真時實用故不免當面錯過

於斯二者亦有鍊之而亦竟無成功是何故

二者是言有念無念之淫精真精也淫精鍊之無成固宜矣
而有略知真精鍊之亦無成功不知此是何故
蓋由不知辨所以妙理則亦不能辨所以妙用

真精由鴻濛杳冥判來其妙有可長旺得身中之精炁者猶有不能長旺中之精炁者若人不知當採時之妙理卽不知用當採時之妙工也

不過祇是遇得世間凡夫傳得世間凡夫法耳

凡夫法皆是邪淫事或有被人譏貶恥笑不敢說邪轉爲口說清淨而身心所行實不清淨口說真精竟是杜撰空亡幻說皆爲欺人之謀詭取衣食學者遂執而信行希望成仙亦大誤矣與竅曰或亦有執實行清淨者否答曰雖有實行清淨終不得遇仙傳藥生之真時採取烹煉之真時不能得丹成仙證道修至炁盡老死依舊是一凡夫死亡而已絕無不

道藏輯要

仙佛合宗語錄

四

畢集一

死而長生者總因與仙家辨真時不同我故曰凡夫法

子已從凡夫學鍊藥矣按其不成便見其藥之猶不真也當知有異於彼而爲真藥者在也

子者對吉王殿下言也不成者是由不知藥生之真時不知採藥之真時故不得真藥不能補足身中未發動之元炁炁補足卽是丹成炁補之不能足則是丹不成仙不成止是凡火之妄爲非仙傳之真藥也旣見不成怎不求真傳尋真藥之妙理妙用者乎

夫無念而得爲真精者固是矣

人而無念則心真虛靜矣至於靜篤鴻濛時似有動而忽有

動機正是真元精之先天也此人人之本有可遇而可得者雖有知真精而不得元神靈覺如是如是精雖真而亦不得爲真精用

或有聞師言真精而知真精之名但因初學淺見時至而猶不知不能以元神配合宰運採取烹鍊亦至當面錯過如何能得真精用如此亦是知之不真信受奉行之不篤耳玉清上妙功德經云不善修持而失法本不能長生天來子白虎歌云月無庚氣金無水縱有真鉛枉用心此上天所祕之妙實在如是

天所祕是祕之不傳無德以傳有德也人與天相隔甚遠人

道藏輯要

仙佛合宗語錄

五

畢集一
川文上

德合天則與天爲一矣故傳與以如是德之不修以合天則不能得傳也如是者是以元神辨藥生之時爲配合得知此則得長生不死入定出定神通無極此上天之所以當祕也靈寶度人經云水火二用非聖不傳

舉世間人所不得知之妙實在如是

天仙以如是祕法得證仙於天惟天仙之所知所行者而世間人何以知人能修德合天卽是天人則可得知如是不修德以求合天卽是凡夫下鬼終於不得知如是者而已欲學道修仙者先當自勉修合天德

海誓山盟而不敢輕洩者實在如是

世有善根聖真專心修德精進學道上仙高真固肯傳以道矣猶且令設盟誓如海樣之深如山樣之大懺悔其已前之或有錯者禁戒其日後之不爲非不緩怠於自修不妄傳於無德其不輕洩藥生採藥生真時者如是 度人經云長生久視之法上天其禁至重

得此真卽天仙矣卽同世尊佛矣

得此元精真則精炁能化炁而成漏盡通出陽神而超浩浩劫運惟此真者方是天仙之道同佛道

不得此真則談禪說道皆爲幻妄虛言矣

若不得知此藥生採藥之真時則不成漏盡通不出陽神超

道藏輯要

仙佛合宗語錄

六

畢集一
川上

劫運只成一個空談妄語而已

子今得此於明言精始真矣藥始真矣

言吉王如今得明白說此藥生真時始知仙道所用之真精真藥始可成漏盡通出陽神等事始知不同於昔所學之世法所言世法中之濁精而已者

一試修之起首便能合道

古云起頭不遇作家到底翻成骨董若傳得真便行得合起頭修也合道到證果極處也合道古云九轉工夫總一般是也

悟一步則行一步行一步則入一步入一步則得一步則知不

傳之妙得果之靈證道之速

既悟藥生及採藥之真時則時真節是藥真精真便行此採真精藥之工既行採工令精隨神凝入炁穴周天烹煉薰蒸久而煉精之工足矣化炁足而得大藥成漏盡通長生不死之初果始知天仙所不輕傳有如是之妙得長生之果有如此靈驗總之百日而得長生十月而入定胎成出陽神而神通無極證道如此速所以古云成就只一二年不似淫邪旁門窮年採戰至於老病苦死而追悔不及者比

非彼世人所得知所及證也而世人之誤信邪師誑惑者可勝惜哉

道藏輯要

仙佛合宗語錄

七

畢集一

世人不修仙德而妄求仙道又不知果有真仙道之正理在而求之安得知而安及證更被邪師以仙書真道之言巧釋彼邪說詐以欺之世世人盡信其誑而不能疑絕無能改過者可惜被害而迷失仙道且喪失本自有之現在性命也已

二問曰古云水源清濁要分別敢求指示如何分別答曰水喻真精清即先天濁屬後天源者精炁之所由以生者也此仙聖示人分別至切要之語奈何世人妄解聖言罔誣後學

仙聖之言垂世必世人得受仙度者而後悟解始真若凡夫但聞凡夫之教甚至不受凡教而徒然看妄人之妄註而亦